

**Pinartumik napparsimasoqartillugu ilaquataasut Københavnimi kalaallit peqqissartut najugaqarfianni ineqartinneqartillugit ineqarnermut aningaasartuutit 2016 aallarnerfigalugu pisortanit akilerneqartalernissaat sulissutigeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Mimi Karlsen, Inuit Ataqatigiit)

**Akissuteqaat**

(Peqqissutsimut Naalakkersuisoq, Martha Lund Olsen)

**Aappassaaneerneqarnera**

Naalakkersuisut Ilaqutariinnermut Peqqissutsimullu ataatsimiititaliaq siunnersuut suliarineranut isumaliutissiissullu nassiussaata pillugu qutsavigaa.

Taasissutigineqartussa q siunnersuummut erseqqissarneqarpoq siunnersuutip siunertarigaa napparsimasut nappaammik peruluutillit pinasuartumik angallanneqartussat atugarisaasa pitsanngorsarnissaat. Kissaataasoq tassaavoq qanigisaasut napparsimasut nappaammik peruluutillit pinasuartumik angallanneqartut Qallunaat Nunaanni Kalaallit Peqqissartut Illuanni aningaasartuutaat pisortanit matuneqartarnissaat.

Naalakkersuisut nuannaarutigalugu maluginiarpaat Ilaqutariinnermut Peqqissutsimullu ataatsimiititaliap Napparsimasut nappaammik peruluutillit pinasuartumik angallanneqartussat qanigisaminnik ingiallorteqarnissamat maleruagassat pioreersut naammattut ajunngitsutullu nalilermatigit. Ataatsimiititaliap aamma taperserpaat napparsimasoq perulukkunnaartut naliliivigineqaraangat ineqartitsinnermut nerisaqartitsinnermullu tunngatillugu Peqqinnissaqarfiup pisussaaffiisa atorunnaartarnera.

Ataatsimiititaliap isumaliutissiissummi kingusinnerusukkut allagaqarput “*..Napparsimasunik ingiaqataasut imaluunniit ilaqqat qanigisat napparsimaviit akiligaannik napparsimasunik ingiaqataasussat innersuussutigineqarsimasut nerisaqarnerminnut najugaqarnerminnullu akiliuteqartassanngitsut*” tamanna Naalakkersuisut isumaqatigilluinnarpaat tassungalu atatillugu paasitissallugu suleriaaseq taamatut isikkoqareermat soorlu ataatsimiititaliap aamma allaaserisimagaa.

Isumaliutissiissut tunngavigalugu Naalakkersuisut paasivaa Ilaqutariinnermut Peqqissutsimullu ataatsimiititaliap napparsimasut nappaammik peruluutillit pinasuartumik angallanneqartarneranni suleriaaseq naammagisimaaraa.

Naalakkersuisut ataatsimiititaliap ingerlaqqittumik suliaat imatut paasivaa Ilaqutaasoq ingiaqataanissamat innersuunneqanngitsup atugarisaat pitsanngorsarneqassasut.

Napparsimasumut peruluttumut ingiaqataasooq tassaasimassappat aappaat pingajuat ilaqarpataluunniit isumaliutissiisummi ersarissumik taaneqanngilaq. Ataatsimiititaliap allappaa periuseq malillugu Ilaqutaasooq ingiaqataasooq ingiaqataasussatut innersuuneqarsimanngitsoq taanna ilaqutaasooq tunngaviumik napparsimaveqarfiup akigititai aalajangersakkat naapertorlugit nerisanut najugaqarnermullu akiliisussaasooq, Ilaqutaasooq ingiaqataaanssamut innersuuneqanngitsoq napparsimasooq ineqatigalugu siniffissaqartinneqanngippat napparsimasut inissaannik tigusinngippat immikkut siniffilernissaanut akiliuteqartoqartariaqanngikkaluarpoq, inimi tassani napparsimasumut taamaallaat aningaasartuutigineqartussatut naatsorsuutigineqartarmat inilu pinngitsoorani eqqiarneqartussaalluni.

Ataatsimiititaliap naggataatigut innersuussinermi tikkuarpai pissutsit pillugit maleruagassat naammagineqartut, tassa pissutsini qanigisaasooq napparsimasumut peruluttumut ingiaqataaappat.

Ataatsimiititaliap aamma nalilersorsimavaa aningaasartuutit siunnersuut piviusunngortinneqassappat kingunerannik 2013-imi 1.39 mio. kr.-inik aammalu 2014-imi 1.71 mio. kr.-inik isertitsisoqarnera. 2015-imi 1.476 mio. kr.-inik isertitsisoqarnissaa naatsorsuutigineqassasooq napparsimasut ilaqutaasa napparsimasut angerlarsimaffianni nerisarnerisa ineqarnerisalu kingunerannik.

Akigititat Qallunaat Nunaanni Kalaallit Peqqissartut Illuanni Københavnimiittumi aningaasartuutininik piviusunik naatsorsorneqarsimapput. Isertitat malittarissat atuuttut malillugit suliarineqarsimapput. Periarfissiisooqassappat arlallit ineqarsinnaalersillugit aningaasartuutillu najugaqarnermi matuneqassappata taava Peqqissartut Illuata aningaasartuutaat qaffassapput, taamaammatt aningaasaqarnera neriulluarluni ilusilerneqarsimavoq.

Naalakkersuisut isumaqarput siunnersuummi aningaasartuutit kingunerisassaasa tunngavii matussusiisinnaanngitsut.

Naalakkersuisut innersuussutigissavaat maannakkut Peqqinnissaqarfiup ataatsimut aningaasaqarnera misissorlugu aallartinneqarsimammat Deloitte sulisoralugu. Tamatuma siunertarivaa peqqinnissap iluani politikikkut siunissami aalajangiisarnerni tunngaveqarluarnissaq.

Naalakkersuisut paasivaat siunnersuut pissutsinik amerlasuunik inissilluarneqanngitsunik imaqartoq, tamannalu tunngavigalugu Naalakkersuisut piumasarivaat oqaluserisap aappassaaneerpeqarnissaa UKA 2015-imut kinguartinneqassasooq. Piffissami tassani periarfissat paasiniarumallugit taavalu siunnersuut AIS 2016-imi politikikkut pingaarnersiuinermut peqqinnissaq pillugu ilaatikkumallugu.